

## Svar

### **sjávarútvegs- og landbúnaðarráðherra við fyrirspurn frá Birni Leví Gunnarssyni um lagalega ráðgjöf.**

1. *Hvaða viðmið eru viðhöfð þegar ráðuneytið leitar eftir ráðgjöf til stofnana eða starfsmanna, þ.m.t. féлага í eigu starfsmanna, lagadeilda Háskólans á Akureyri (HA), Háskóla Íslands (HÍ), Háskólans í Reykjavík (HR) og Háskólans á Bifröst (Bifröst) sem gegna stöðu nýdoktora, háskólakennara, lektora, dósentna eða prófessora í fullu starfi og hlutastarfi, þ.m.t. starfsmenn í gesta- og rannsóknarstöðum?*

Fagleg viðmið eru ráðandi þegar leitað er eftir lögfræðilegri ráðgjöf á málefnasviði sjávarútvegs- og landbúnaðarráðherra. Leitast er eftir því að viðkomandi stofnun eða ráðgjafi sem leitað er til hafi sérþekkingu á viðkomandi málefni sem er umfram þá þekkingu sem er til innan ráðuneytisins. Þá getur það einnig átt við að stofnanir eða ráðgjafar séu fengnir til að taka þátt í verkefnahópum ráðherra þar sem þekking viðkomandi nýtist.

2. *Vegna hvers konar verkefna er leitað lagalegrar ráðgjafar hjá starfsmönnum og stofnunum lagadeilda háskólanna og hversu oft vegna hversrar tegundar verkefna?*

Samkvæmt bókhaldi ráðuneytisins hefur Lagastofnun Háskóla Íslands verið greitt fyrir eitt verkefni, Skýrslu um búvörulög, 350.000 kr. Ekki hefur verið greitt vegna annarra verkefna frá árinu 2018.

3. *Hversu mörg ráðgjafarverkefni, sem 1. tölul. lýtur að, hafa verið innt af hendi frá árinu 2018 og hversu mikið hefur verið greitt samtals fyrir ráðgjöfina á umræddu tímabili?*

Eins og fram kemur í svari við 2. tölul. fyrirspurnarinnar hefur verið greitt fyrir eitt verkefni.

4. *Hversu mikið hefur verið greitt fyrir verkefni sem vikið er að í 1. tölul. frá ársbyrjun 2018 og hversu mörg hafa verið innt af hendi af annars vegar starfsmönnum og hins vegar stofnunum:*

- a. lagadeildar HA,
- b. lagadeildar HÍ,
- c. lagadeildar HR,
- d. lagadeildar Bifrastar?

Sjá svar við 2. og 3. tölul. fyrirspurnarinnar.

5. *Hvaða bókaútgáfu á sviði lögfræði hefur ráðuneytið styrkt frá árinu 2018 og hversu hár hefur styrkurinn verið fyrir hverja og eina útgáfu? Hvaða viðmið eru lögð til grundvallar við slíkar styrkveitingar?*

Ráðuneytið hefur ekki styrkt bókaútgáfu á sviði lögfræði á umræddu tímabili.